




養浩堂叢書

文久癸亥  
京洛二郡

早稲田大学図書館

文書 27

E 28



養浩堂藏書

余欲作外史考異未果今茲適與水澤藩士甘粕  
備後著交遊因討論上杉氏之事跡甘粕氏出藩  
庫秘錄示我遂得詳無謙信曾兄晴景篡立之事  
其他考證精確皆以取信焉余舉其大畧附錄于  
此以告讀外史者

長尾晴景為賊所擁立此說誤也初平六郎俊景及  
子三條晴景自將討之留守昭田常陸陰與俊景通  
謀作亂于府內殺景康景房景虎晚走于檮尾圍于  
本庄慶秀家晴景途聞變又走頸城郡將檄四方討  
昭田等昭田恐棄府內入三條與俊景合時賊勢日

張米山以東率附之。他豪族諸將觀望中立。於是晴景雖復府內勢孤不能討之。

天文十三年春三月，俊景及黑田等秀忠知景虎匿椽尾

也。大舉攻之。景虎與本庄慶秀、宇伏義定、行等謀急

修城起兵。乞援于府內。晴景率諸將往入椽尾。與景

虎戮力分拒前後。景虎時年十五。與定行守前門。當

黑田秀忠。此日風雪沍寒。賊爭渡川而來。定行曰：兵

法擊半渡者為可。請擊之。景虎曰：未可也。既賊盡渡

薄城。景虎曰：可也。先象突出。賊衣甲皆冰。手足凍凝。

不能戰。景虎奪擊大破之。遂斬俊景。於是七郡望風

歸降者相繼。景虎威名大顯。

景虎未曾與政景戰。政景恃強勇。不奉府內令。景虎

誅俊景之歲。政景伺府內虛。將舉兵襲之。中條藤資

在緇屋之險。擊却之。晴景、景虎賜感狀。藤資其書有

新六謀反無如之何之語。天文十六年。景虎患政景

異心不止也。大舉計討滅之。政景懼乞和。景虎送婦

事之。於是和成。當是時。越後畧定。賊保三條。黑瀧新

山而已。晴景雖承嫡宗。惟多病。征討之事。率委景虎。

平賊之功。悉出景虎之武畧。故宗俗諸將皆畏服焉。

欲推景虎為主。晴景熟察之。十八年。晴景諭諸將讓

國景虎諸將大悅連署迎景虎豫尼景虎驚曰吾今  
而受讓則人謂吾魯兄篡國也使若數反景虎固辭  
不肯上杉定實者自為景時主越後者聞之使諭景  
虎曰汝今違衆則人心解體國必再亂於祖先父兄  
不孝莫大焉景虎不得已從之請待兄子猿松丸長返之  
八月入府內攝國事然事皆稟白定實而行之不敢  
自專既定實卒時景既讓國後數年病卒謚號華岳  
院猿松丸亦天景虎為建寺號華岳院祭其靈存至  
今云

右米澤藩庫所藏古史舊文可以為確證者要之

景虎一世仗信義行事四十年間百戰無一出詐  
謀偽計者誰謂魯兄篡立為此一大不義之事哉  
當時戰國群雄割據聲聞梗塞當景虎平賊定國  
之時事固不與中原相關涉况其國僻在北邊事  
實多不詳于世雖係當時記載之古書不能無謬  
誤附會之說又聞景虎篡奪之虛說一出于越後  
浪士犬井田監物之筆記世人所記往往本此附  
會增補外史所據蓋或此也幕府博士古賀侗庵  
嘗著明君達德錄記謙信之事與外史同米澤藩  
士片桐權九衛門發憤錄藩史可證者辨其虛妄

外史所謂謙信之事多世所不傳與米澤藩士交遊為余言如此蓋此時先人未得如耳粘片桐二氏考覈事實者是可恨也

又按長尾新六郎晴景及長尾新六郎政景長尾平六郎俊景名字相近且皆為同長尾氏事蹟混淆因舉其一二當記討平六於椽尾之時按兵待賊涉川擊之外史誤記追新六於米山之時按兵止待其過險擊之又斃賊平六誤為討兄新六因考記載既誤遂所以致兄弟相閱致纂卷之誤乎文久三年六月 平安賴復識未定稿

沈君蘋香曾遊長崎島於市中得日本樂府一冊持以示余為題其後二首

文教敷東國洋々播大風傳來新樂府實比李尤工謂李實之尤西堂也誓古聯珠璧斟今考異同

天朝未曾有還擬質群公

詩才真幼婦史事表吾書日月無私照風雲漸向西  
雄文標玉管彩筆敲金閨聞說扶桑近高攀未可躋

句吳錢泳題 印右吳越玉孫之字

右錢泳者浙江學宗号梅溪以善書名蓋讀樂府嘆稱之餘賦此詩且副之以所自臨趙孟頫之壽

春堂記一篇裝為冊帖而送贈山陽表題有奉寄  
山陽老先生正之字臨帖末有壽春堂記墨蹟舊  
藏奉賢陳古華太守家阮宮保雲臺先生曾刻石  
浙江學院梅叟臨時在道光十二年十月廿四日  
燈下書之詔道光十二年實我天保三年壬辰也  
不幸山<sup>陽</sup>以是歲九月廿三日沒之後三年始達于  
賴氏云嗚呼以一時擬製文字至使漢人有比李  
尤之嘆以益知山陽才之大余與山陽之子支峰  
遊得借觀其帖因寫以跋衆府云文久癸亥六月  
寸柏純成記于京師東六條寓舍

奉安藤對州閣下書

外國尹堀織部正謹白語云鳥之將死其鳴也哀人  
之將死其言也善臣知之矣嚮不顧微軀激論忘存  
不暇於閣下之高議其罪當萬死乃碎肝腦絞腸血  
聊述鄙言以奉閣下之請少容焉抑外虜航海以  
來公議百方不決於戰守而決和親是時務之變誰  
不可防也唯切齒扼腕而已矣臣深憂之嘗奉縉  
之鄙言頗有所容而東馳西奔預其事固臣之職不  
可不竭也然均是人也豈無慷慨義烈之志哉是時  
務之變不可止也彼溺於公義之海涵恣意妄行無

所顧忌。犯大義者不可算也。就中墨夷都督米理督  
留竊微行於貴邸而論我政務。閣下共被同餐。尊之  
如師父。遂許刑典。數部是可怪一也。彼共閣下結伯  
仲之義。贈衣帛珠玉巨萬。閣下酬之以慶長正保金  
一萬。是可怪二也。彼醉倒之際。戲於閣下之侍妾  
某。閣下許共之。是可怪三也。彼唱請篆居。宦於御殿  
山。一月以八萬鎰贖之。閣下遂許之。是可怪四也。此  
四事既犯大義者。無甚於此矣。然天未可知也。尚竊  
聞彼專論廢帝之事。閣下從。使國字人探索我舊  
典。私議其事。豈謂之何哉。至此血淚如雨。熱腸如裂。

誰無哭。勸示仆地者。實天下之賊。天誅固不容也。其  
顛末已於嘉振老閣下而可見矣。是臣深為閣下所  
以憂也。然道路之流言。雖有所不信。天以人。舉知其  
罪。則果明矣。是臣誓所以不服於閣下之高議也。閣  
下若不忘我邦之大義。則奉忠於  
天朝。致軀於幕府。施仁政於民。是臣伏所祈也。臣今  
屠死。其言也必善。閣下請少容焉。臨表不堪流涕。

佐野氏傳并序

士之能為國家奮而授命者蓋難得矣。然或因此以榮子孫興家門則有恃之以能之者。若捐家棄妻子為國家授命則無所復恃其事尤難矣。然尚有榮名傳于一世有慨心者或可能之。若捐家棄妻子蒙賊名就刑戮無所顧惜唯知為國家而已。如水藩諸士者則十萬人中有幾人。夫當彞侯之執政也。依大封之資握四海之重權。挾幕府之嚴威以誰呵天下。擯黜親王公卿。幽閉宗室親藩。竄殺天下之忠士。堂之列侯為之屏息斂跡。天下誰能當之。然水藩諸士

不忍於天下之憂。攘臂而起。捐棄士棄家祿。以為合十餘之人。當數十百人。嚴衛之彞侯。欲逐其衛士。執其主而殺之。歸身于官府。蒙賊名而就刑戮。是豈出於不得已而然者也。子何則彞根。疾害被天下。不獨水藩之患也。況子於諸士固無闕而又非有主命難辭也。唯出於憂國之忠憤。知為國家除大患而已。不問其他。可不謂之烈。義勇之真男子哉。惜哉。諸士之事跡。不得詳聞。而審記也。頃者逢水藩士八月岡一。即語及諸士之事。為余說佐野氏之始末甚詳。為錄其語。作佐野氏傳。



佐野光明通稱竹之助為水藩景山老公之侍臣食  
祿二百石初為某侯之假台命使某侯出老公也竹之  
助必欲斬某侯同僚與竹之助爭辯後時某侯立于  
門外久不得入同僚與竹之助後之於別室始開門  
引某侯某侯已入竹之助欲進而擊之已阻數室不  
得遂焉迴出後門欲待其歸而刺之門鑰不可開遂  
壞扉而出某侯去已遠不及焉竹之助以壞扉之故  
得罪出於其家數月得聞晚身奔其采邑隱于販魚  
者某家之甚貧唯有夫妻待竹之助甚至竹之助  
性嗜酒夫妻日沽酒饗之稱以少公竹之助制之曰

如此稱呼殆非潛匿之術唯當同輩呼冀不為人所  
怪也主人日出販魚于他村妻往于田屢諱不許居  
歲餘一日告夫妻曰吾有所志將往江戶飲酒為別  
主人為設酒竹之助把佩刀二口曰是我家傳承之  
寶刀我今臨死地而無兄弟無妻子此刀將附誰其  
大者可親佩以去小者留以與汝夫妻之春年之  
誠心非口舌所盡若得遂志而再見汝或得報之不  
遂志則不可復見請以此為訣爾蓋佐野氏之先仕  
武田氏屢有戰功此双刀則武田氏之所賞賜世之  
相傳至竹之助也於是竹之助着主人之故衣執擔

魚之棍主人以薦筵苞竹之助之衣服刀劍為數魚  
狀以從在途竹之助將澠置棍于地主人急止之曰  
此棍則叛魚者所以為活者捨之於地而澠非賤者  
之態恐招人之伺察宜荷棍行且澠衣雖沾汚唯煩  
一濯耳竹之助笑而從之以事不慣終不得澠忍之  
而行既出水藩封境渡一江主人曰已離封內無所  
復憂可拋棍而澠也乃出薦中之衣刀與之因而辭  
歸相與顧所情意戀之雨後叛魚者日待江戶之信  
久而漠然無聞萬延元年三月三日夜夫妻已就寢  
戶外忽有人聲如喚溫酒者主人驚曰此少公聲也

少公歸矣急促妻迎之起披戶寂不見人影夫妻俱  
出求之曾無蹤跡主人泣曰噫呼少公志不遂歎後  
數日聞江戶之信果以三月三日竹之助與同志刺  
為炭于櫻田門自首于閣老彌坂侯邸紛闈中竹之  
助被斬右子剝此劊甚遂在邸中而絕先此竹之助  
年長未婚親戚故舊勸之婚竹之助不得已遂娶某  
氏既婚十日告新婦曰我有宿志故不欲有妻子今  
諸人強勸不得辭與卿婚非我志也請卿自此去他  
日得達志而歸當復迎之耳婦大泣請止不肯強之  
遣歸櫻田之役諸人或神氣措亂進戰矢風惟竹之

助終始不亂能激勵諸人云  
逸史氏曰吾觀水藩諸士之事景山公教養之功於  
是予著矣他野氏辭婚去婦以養其志所以為國家  
忘身者至矣至叛魚者夫妻奉仇野氏無所厭可謂  
有義心其在路戒仇野氏亦近有智者叛魚之賊民  
而如此他野氏義勇之誠有以感之歎抑老公教化  
之所及歟

文久元春辭職歸國時作

山田安五郎

前列元年辭若年寄時作

關老板倉侯公用人當時名于也

病中書懷上我公

驚胎任重刀將殫况獲沈痾入肺肝減食僅哺諸葛  
米請征寧耐伏波鞍田生醫藥由恩賜致命身軀奈  
老殘獨有床頭嘔血色空呈胸裏寸心丹  
幽愁詎耐迨衰躬客舍春過伏枕中人謂蒼生望安  
石誰歌赤芻羨周公似晴雲影還藏日欲動花枝尚  
怯風縱制家山閑養病斯懷豈忍湏史空  
把憂深悟徒勞神只合村居養我民福小豈非為政  
地英雄多作失途人君能不憂當初志臣亦得全遲

暮身若使病懷由地慰，應逢枯木再回春。

賜坂侯先年辭職之作

縱令污濁不知兵，忍把邊陲餌虎狼。一紙捧持雙度傳，殘龜猶負萬人望。

春嶽公作

昨日放晴今日雨，天時人事也相同。宵旰吐握盡分耳，號泣是天訴寸忠。

立情吟篇拙

述懷

林述奇

少小欲為天下奇，誤將詞藻被人知。春秋可恥二十七，正是臥龍初起時。

筑後城下作

廣瀨建

伏敵門頭潮拍天，當時堞石自依然。猶思神右征韓日，最忘元兵渡海年。城郭影浮春浦月，絃歌聲湧暮洲烟。昇平轉見閭閻富，處處垂楊繫賣舩。

送水村子虛之松前

大田元貞

昇平百歲國忘兵，憂世何人探虜情。走馬黃沙春雪

裡君元豪氣石曼卿

勝倉長若山獵

水戶景山公

不逸遊田忘側陋渭陽卜兆屬賢明  
湛々朝露濕戈戟習々春風拂旆旌  
勝倉村外鼓鐘響長者山中弓鏡鳴  
堪笑巖巖無所得空收一鹿錄治兵

咏懷

肥前齊正公

堂々大路久荆榛天以蒼生寄此身  
瞬下常橫三尺劍胸中總貯一團春  
千秋學術推元晦益世英雄見守仁  
寒日寒々小窓底焚香默坐養精神

見龍閣奉呈黃門景山公 同

述懷 肥前公  
航海結團意氣豪  
西南擬背萬軍壽  
羯夷如有宛邊事  
鮮血盡膏日本刀

回頭世上總紛紛謾日毀譽自白雲  
天下英雄總屈指平生知己獨逢君  
林梢風暖鳥聲滑欄角日暄梅氣薰  
自恐京安是鳩毒由来治國要勞勤

知韻

景山公

何關世上謾紛紛英氣元凌邊海雲  
賴有一樽修宿好不須反帖全非君  
西山遺藉爰相贈梅里餘香為孰薰  
莫咎瞻無方丈設俗客豈為雅賞勤

赤穂義臣墓

蒲生秀實

山岳可崩海可翻不消四十七臣魂  
墳前滿地蒼苔濕總是行人流涕痕

君平會津作  
廟古悲風對落碑  
白楊蕭索葉空飛  
山川顧望先封地  
浚下關東一布衣

景山公  
白髮蒼顏萬死餘  
平生豪氣未全除  
寶刀不沒洋夷血  
却向故山舊草廬

述懷

木村重成

殺氣衝天風雨惡兩軍颯處壓雷音功名何處見  
力節義須知召忽心秦岳難當身命重滄溟不及主  
思深結纜欲死孤城下聊訴衷懷以一吟

入峽有感武田氏之事而作

仇藤大道一齋

甲斐天造國義哉山河塞水漲兮山崑兮武田十  
世首盤殖傳至機山擁五州圖霸殆將朝西周嗣子  
歸勇好委兵驥武自招三晉讎一自長篠殲多士鐵  
馬來飲三峽水北望新府雲成梯斷巖七里絕馬蹄

斷巖難拒長驅勢馬蹄蹴破天地閉可憐巢窟一舉  
覆幾箇徒兒埋深谷初鴈東去猿橋路此是甲辰狼  
狽處想見侍姬徒洗髮荆棘踏遍見血痕積茅一炬  
事何慘至今尚說田野村天目山峻岩殿逆此地遠  
巡奮矛戟前狼後虎進退窮卸甲屠馘血濺石獨有  
宗藏竭臣分轉頌之際何慙勲軍禮不污新羅齋整  
頌密甲衣郎君不見富岳之焚神雄出織豐果而  
四海一大鬼休叱小鬼頑亡國藥遺得存恤

寄姪某

竹內楊園

品物皆亨天地春自茲萬類免酸辛男兒欲立平生

志請見梅花雪裏新

讀宋詩

岩井任重号白灣

一木難支大厦欹，孤忠憂國要知時。如今豈是危言日，一任人呼沒字碑。

防海籌邊總作空，任他夷舶恣西東。書生不用憂時事，無復當年韓魏公。

詠宋詩

岩井字

字信卿仕重男

廟畧偷安豈足云，神州極目遍妖氛。英雄失路徒憂世，肉食全歸遂誤君。知識猶仍秦檜策，戎夷最畏岳家軍。幾回揮淚靖康變，五國城寒淒暮雲。

寄入歷航西歐諸國

永井介堂

去蕃頭

四方翺壯志，航遍泰西州。誰道雲濤遠，乾坤一氣球。

大原三位卿

江南霸氣已陵夷，將是中原逐鹿時。不得英雄若高德，與誰作起勤王師。

大丈夫生世不為仁，即是獸心人面人。博浪鐵椎今若得，擊頑兇首作微塵。

兩過芳野川

賴醇

春三樹字子

寒雨芳山不可登，岩巒秋瘦鎖孤層。雲中簇立松杉暗，若是延元古帝陵。

戊申歲暮旅懷

時在北越邦松濱  
嘉永元年

全

二載將蕪奮學田觀光漫度萬山川本知遊興勢騎  
虎未道歸心急若弦捲地大濤鳴薄夜有時回雪忽  
晴天堪思阿母殘燈底說着狂兒不就眼

懷奮

細川少將

重賢卿

龍溝帥第夜將闌明月清風獨倚欄筆似木華東海  
賦構同庾亮武昌看昔時高調空歌罷今也朱弦誰  
復彈獨坐蕭條懷奮處秋來白髮不堪寒

奉檄赴

召之口占

柴栗山

鳳歷天明第八年維正月吉游龍川東風挾西川雲  
黑知是天龍飛上天

送人赴北邊

朝川善庵

北地承嚴命堂之一瞻存服入寧在力治欲不煩煩  
四海原兄弟群勳況子孫祁寒良苦極自愛答君恩  
巡視唐太途中作

鈴木霞蔭

款冬如竹鬱蓋生葉之相重翠影青山路不妨多雨  
露一莖代傘蔽頭行

蒲生君藏

治極民多幸悠之數百年感時人易老懷古夜難眠



義勇梅河內英雄柴筑前二公誰可學倚劍問長天  
海城寒杪月生潮波際連檣影動搖自是二十三  
里北辰星下建銅標

鐵鉉噉已肉圖

三島桐南

暴風驀然起自北中原一朝雲霧黑諸道鎮兵盡南  
奔獨見濟南護孤城張巡守洎竭精忠吳玠全蜀奏  
奇功城墉危誰能當陷阱却是誘毒龍  
不復至更由別路吞南地虎豹失窟鳥迷巢回顧傍  
徨兵不利就擒天祥氣尚豪罵賊恣實口何囂鐵公

忠節堅於鐵石方劫劾不曾搖宛肉投口極慘毒  
牙淋漓血送玉我噉吾肉又何辭此口不食不義粟

撼山易

全

撼山易撼岳家軍難撼軍易撼岳公志難盡忠報國  
志先決澀在肩背死不滅中原一揮岳字旗胡兵毒  
潰肝胆裂頑惡可斬車駕可還一舉唾手獲燕雲何  
料金字一簡札撥取大軍易於掬吁嗟岳家之  
軍不撼如山不及老檜摩天蟠地不可拔

佛郎王詞

大觀磐溪

王名那波烈翁姓勃那波兒的地中海中路

禹西加島人，豪邁有大志，起自佛郎察，將  
積功陞上政官，遂踐帝位，殆并吞歐羅巴全  
洲，後大舉入俄羅斯，會天寒，士卒凍死，敗，  
而還。自此兵漸不振，同盟諸國，迴避大位，放  
之，噫！見拔薦無幾，再舉兵，復奮都，進渡沙蒲  
列河，索英蘭三國兵，邀擊大破之，王僅以身  
逃，將航海到米利幹，為英國哨船所獲，遂流  
於意，勒納嶋以。我文政三年五月卒於島  
中，年五十二。後二十年，以皇帝禮，葬於佛郎  
西。

似黔機慧已超倫，海島何圖產若人。早作後來英達  
地，自稱臣是版圖民。  
滿胸韜畧不堪奇，落魄東西欲託誰。最是英雄可憐  
處，賺他孀婦備軍資。  
休將狐媚目曹瞞，石戰由來創業難。今日誰能容異  
議，法皇新賜紫金冠。  
半生威武遍西洋，青史長留赫之光。白刃功名歸大  
帝，無人艷說歷山王。  
何物俄羅敢頡頑，轟天巨礮裂金湯。誰圖大聖埋歸  
路，凍殺三千拔勇槍。

豈無奇策奏奇功，避位且逃孤島中。若比深沉忍辱  
辱，鳥江戰死亦英雄。  
大會王公盟未寒，忽聞擊鼓逼城端。新王出走舊  
都復，不費柘榴彈一丸。  
烟焰漲天西日後，兩軍觸戰互駝馳。和蘭世子勇無  
比，舉得爛班五色旗。  
欲驅勁敵恣狼貪，輕進終招囚虜慙。積水荒，何限  
恨，全家遙落大瀛南。  
無乃放流非至公，遺民猶自暴威風。難將蓋世英雄  
骨，埋得彈丸孤島中。

蹴破雲濤万里天，載將靈柩送樓船。可無大葬歸迷  
恨，盧雨蚤凡二十年。

鳥銳衣嚴列隊行，金輿擊出散霧光。老翁泣向兒孫  
說，復見官家旧戰裝。

長士讓曰：余嘗讀尤同諸人外國竹枝律，如隔  
靴搔痒，殊不嫌人意。今士廣此詞，僅十有二首，  
而更實精核，議論沈鬱，自有百言之發，讀之唯覺  
風雷繚繞，自於筆底耳，洵為曠古絕調。  
山野公曰：山陽以長歌，先生以小律，山陽就事演  
之，先生詳終身事蹟，異曲同工，可傳不朽。

宮下重武日先生以絕句著佛郎王終身事寧  
人諷詠聞知戒懼不特作詩之工亦足以見先生  
之有素養矣

渡疏黃洋

僧道光

帆風羨滿海天長東望疏黃正共荒一睡飛蓬三百  
里推蓬前鳴是周防

航海到休渡

龜田鳴齋

孤島蔚然大瀛外四根積水望還空青天低處乾坤  
盡白日沈邊西北窮鯨海雲暉靺鞨雨蟹鄉日黑任  
那風此生不慣荒陬景簪坐只驚濤勢雄

瓊江舟行

吉村迂齋

三十六灣、接濤扶桑西、白雲間青天萬里、非無  
國一髮晴分吳越山

龜井道載

孤舟蒼海駕鴻蒙天盡東南一碧空風正征帆夜不  
泊防長山水月明中

出獄口白贈寬齋

工藤元童

縲紲銜寬亦一奇有人濟棧義何涯海濶吞舟初瀟  
網林深枯木再生枝乃奮乾坤浪獨往依然山岳為  
誰歌無那男兒睽宿志尾全今日愧君知

惠吐呂府雜詠

山田三郎

神列地盡北天涯望接魯西水海餘秋風每導春風  
至七月初頭櫻桃花

贈金井仙

下毛粟谷人傳教父仇

藤森淳風

号大雅

痛恨在躬情太艱枕戈夜日淚闌干  
豈寬自誓冥間

慰弱肉誰能机上者

父先殺時仙年甫十二而仇人為隣家豪富以婢數十是以人危仙不心太深自韜晦如怯弱不堪報復者

精動鬼神局鎮晚

仇家門局自晚得入氣衝星斗劍華寒十年

心事一朝了

父亮教後十年始克復仇

椽筆已期垂不刊

簡堂有倉公著三至傳其事

題自肖像

時奉使西上

新白石

蒼顏如鐵鬚如銀紫石稜々電射人  
五尺小身渾是

瞻明時何用画麒麟

諸葛武侯画像歌

新井璣

太華山裂失赤符神龍潛伏海將枯誰知時務在後  
際此間足教鳳之雛關張不說魚水合君臣奇遇絕  
代無立談既定三分榮顯托不負六尺孤王佐從來  
見伊呂兵謀何必事孫吳蒿中羽扇清渭曲中原志  
子漢來蘇萬古精靈長不死豈唯當年魏人趨桓溫  
素有雄心在只識常山蛇勢圖

獄中述懷

仇久間象山

修理信州松代家臣

思為城下同盟恥却以忠貞招妄疑  
日賧議疆長峙

港望東做地下田陣昔時輕敵已非策今日攻謀知  
是誰函憤橫胸無所泄獄中濺血寫茲符

雜感八首

海水環回祥氣浮龜蟠虎踞帝王州何時帽伏西人  
志貢獻象駝交馬牛

自非心服難防奸英吉佛郎原傲頑苦憶漢家王仇  
相當年籌策盡孤靈

東邊拓地三十里曾效荷蘭設學科吾邦空說英雄  
蹟百載無人似泊多

火輪截浪疾飛鷹彼地近來多異能此去浹旬到龍

動古人今起應疑永

聖賢有作順風氣不敢後天存結繩查事也間村學  
究東方日出尚燃燈

永樂雖多殘後裔東陞却有將才存康寧一擊火光  
滅不見鯨鯢入海門

刀槍銳利本無雙人士英靈冠萬邦更舍私心奴衆  
長何方醜虜不歸降

礮隊騎軍談握機堅城巨艦策相依不虛生也丈夫  
志海外欲張吾國威

余以去冬十二月十八日發江都二十三日還松代

中途得疾至今不愈病間得詩數首差後錄之  
亥正月念二日象山佐久間啟子明

絕命詞

賴三樹 就死時三十二歲  
号古狂生

排雲斗欲拂妖星  
失脚墜來江戶城  
井底痴挂過憂  
慮天邊大月自高明  
身隨鳥鑊家無信  
愛破鯨濤劍  
百聲風雨他年苔石面  
誰題日本古狂生

獄中作

我前藩  
橋本丸内 就死時廿六歲

苦冤難洗恨難禁  
俯則悲傷仰則吟  
昨夜城中霜始  
預誰知松柏後凋心  
二十六年夢裡過  
顧思平首感茲多  
天祥大節嘗心

折土室猶吟正氣歌

歌枕愁人秋夜永  
陰風刺骨折三更  
皇光懷應憐幽  
寂一魚星元照曠明

瓦落軒昂意氣豪  
夫君聞說瞻生毛  
想着痛飲京城  
父扼腕頻睨日本刀

長洲藩 就死時三十載  
吉田寅次郎

生死由來任彼為  
架夫天命又奚疑  
皇道陵夷  
欲熾要成日本真男兒  
我今為國死 不背君親  
悠々天下事  
感賣有明神

岩瀬肥後守

東走西馳年又年，征驂踏度路三千。  
事悟竹一窓聽雨眠。

蓮田市五郎 水台著

春滿墨江烟景新，櫻花爛熳鬪紅塵。  
子却作從容就死人。

欲挽頽波回衰運，一朝斬破苾人頭。  
滅凜々英名萬古流。

綠酒奉歡慈母傍，花枝風興衆無疆。  
坐不在家庭在異鄉。

蝦夷道中

釋隆睿

咫尺前灣石窟邊，風狂海面欲摧船。  
際白浪崩來散作煙。

讀兵書

伊東鷲山名長吾

小醜蠢々何足云，論兵窮擬策奇勲。  
夢踏破壘山陷海雲。

山寺常山 信州新代良久保甫伯父

解纜砲洲曉，殘蟾落樹陰。  
砲臺嘆見戲警衛，痛人心目舟相對。  
天日輝終古，今人何獨偷。  
冀恐一朝怒，終除十歲憂。  
彼夷難得獲，我士悉甄緝。  
任笑撫劍睥睨唾，迂謀



輕裝駕小艇，獨在候夷情。風送咽腥氣，窓開觀調兵。  
火輪方可碎，欽舶豈難傾。攻伐何無術，請休誇海城。

蕪武

蘇原裕

漢城兮可拔，漢旗兮可裂。漢節兮可折，漢臣兮可殺。  
獨有蕪鄉滕，終古不可屈。

吊賴三樹

無名氏

為國為民身命輕，誰憐志士見精誠。天地從來無日  
月，光明不照古狂生。

欲慰幽魂寫小詩，淡沾帛上淚毫時。從今君當消遺  
恨，三日櫻田殺李斯。

絕命詞

梅田源次郎

戊午欲死詞

毒臥病床見泣，飢丹心誓欲拂。夷今朝死別無生  
別，只有皇天后土知。

遙吊賴三樹

無名氏

一代英雄枉就刑，精魂猶識繞江城。忠臣益向危時  
見，直道愈隨亂世明。兩泣雲悲天地動，海鳴山響性  
名夷持香遙向東方吊，紅淚千行無限情。

讀水滸集

鷺津鑿

乾隆天子意深哉，不許英夷互市開。後世紛更祖宗  
法，誰知衮縵作胚胎。

手把新篇讀百回，亂離到此有餘哀。  
深霄一片窓前月，曾照唐唐白骨來。

虞申春賦示諸友

沈久問啓子明

自從駭鯨觸海涯，天下騷然思驅馳。  
我亦慷慨廢寢食，一時忠孝合清規。  
國恩未報虛得罪，歛翻故林棲一枝。  
六年辜負江都春，風景烟光知何其。  
壯齡今歲甫五十，未知天命尚苦思。  
擬稱虞夏商周典，且極戰國七雄危。  
大邦民物自庶當，前聖謀謨無偏私。  
幾時長策得施八省出，雄視臨四夷。  
東洋道惠西洋藝，匡郭相依全圖模。  
大地周圍一萬

里亦須闕得半隅無

述懷

江馬元齡大垣

身如驛馬苦奔馳，飯袋酒囊形似尸。  
世路破舟愁險，官途瘴馬憾遲。  
終年志業空歸水，報國心肝只託詩。  
霜雪滿顛吾老矣，殘冬兀坐護茅茨。

高塾謙齋字別松代臣

見地作天，作地群情恰似倒懸人。  
多年世上如窮臘，一燭皇風初是春。

歌行

沈久問啓

嗚呼先公不可見，良忠大夫逐飛電。  
救時長策誰能

聽恨殺萬里浮雲徇國賊不恤國威否小兒但覓象  
與榴花憑屋柱歌此曲閭閻為之顏色憂

公

幾歲鯨鯢橫海天中洲豫備尚依然孰知兵剗隨時  
變但說軍裝映日鮮運礮未應湏我馬守城却或乘  
渠船當今更有無窮事志士何時高枕眠

奉主命趣京師途中寄柴田表

謝啟舍庚臣

山田守五郎

時事紛更不耐言浩然謝病出都門百方醫國術空  
竭一戰攘夷謀獨存庖腎難辭供駕御野禽終願脫  
籠樊崎嶇西上峽間路穩坐肩輿汝主恩

賀白石六十

祝南海

韓之使者執玉帛血面爭禮頑如石公歷西階樞衣  
升斬如霞舉屋頽腰帶紫陽太守印眼如紫電髯  
如戟掠劍叱殿柱震使者膽練喪其魄擊劍歌成  
血吹霧機鋒觸處皆辟易禮成樂奏賓主歡王家宮  
典與日赫韓客謂公曰嘗聞貴國多長於擊刺之技今可幸一觀公曰  
觀之不可遽許吾今為客說其概畧席上作擊劍歌一篇以示

題那波利翁

仇久問象山

何國何代無英雄平生欽慕波利翁迹來杜門讀遺  
傳忽々不知年歲窮撫劍仰天空慨憤世人那得察  
吾衷如今邊警日復月戰船來去海西東外蕃學藝

老且巧我獨遊戲等孩童守株未知師他長矧舟誰  
能摻元戎嗟君原是一書生苦學終能長明聽一朝  
照破當時弊革弊除害民情旋旌旗所向如靡草咸  
信普如歐邏中元主西征不足道豐公北伐未能同  
人生得意多失意極雪翻掌朔北風帝王事業雖不  
終取為我將豈無庸世人心竅小於豆壘觀寧知英  
雄胸自奮能為遠大計自屈難樹廓清功安得起君  
九原下同謀戮力駑疍兒終卷五洲飯  
永為五洲宗  
皇朝

白櫻花歌

同

春風幾日競繁華繞屋白櫻尤堪誇誰將北越千堆  
雪剪作吾家滿眼花主人盡日看不足殺席把酒待  
嫦娥座中終乏豪翰客亦能引杯自為歌一朝海天  
惡海面慘慘捲白波蛟龍出沒神龍怒盪激聲勢及  
山阿曲突從新畫言棄而不錄自古多平生雖亦不  
我憾同仇何敢忘修戈櫻花無情似有情白我慘然  
加含嗟時危未知稅駕處今我不飲奈花何  
○廐舟皇子  
駿馬多蹄蓄利成害亦生靜心試夷考功罪兩分明  
小松惟一來席上賦示

象山点

立帽吟篇附尾

○廐舟皇子

久保三郎

成平甫

連床扼腕論時務萬感橫胸不覺飢志士交情好如此佳者美酒又奚為

○病起有感

全

晚來雨始收涼氣可病體窓外時寓目林樹翠一洗  
斷雲隨風走孤月輾山鼻回首顧我影曾立髮鬢鬢  
弱質傷善病光陰苦如知仕重道且遠所向未易至

、無題

全

莫將虛唱劫神州百萬精兵同是仇他日輪船一航  
去投鞭斷却燕河流

○詠史

全

東呼西走豺狼銳意遂將吞八荒大器雄謀功赫々  
洋夷沐說歷山王

、寄北澤子進大嶋子良

日月駸々駒過隙也計拙矣飢寒迫自憐以此荒怠  
身將仕皇風宣揚責為問志士滿瞻志幾篇草得  
平虞策

、楠中將

欲回皇運息生民大義何遑顧此身但恨陰雲翳  
天日終將政柄屬奸臣  
夏夜散步

趨涼門外且行歌，幽思未消憂思多。皆問東來今夜月，橫濱形勢近如何。

呈象山先生

過譽不敢當 豈啻英才天資真，學兼博漢及西秦。如今果若先生者，五大洲中有幾人。

送寺內子任赴西州

奉命拜大廟，千里徂西州。男兒四方志，遠征何須愁。明朝踏雪發西郭，三月花開入京洛。中多少有志士，為攘夷當務略。問

○病中聞立田信卿赴

病裡聞凶赴，悲來欲斫腸。金蘭為爾汝，生死隔陰陽。曾共論經畧，又同演劍槍。回頭都似夢，撫枕淚千行。

二 秋夜

霜清風冷秋將老，深夜尤傷壯士情。僅見花開妖艷色，忽聞葉落寂寥聲。笑他詩賦徒送歲，憂我劍書業未成。兀坐燈前長嘯處，前林時有豺狼鳴。

永井雅樂

安危歧決一言中，重任何忘報國忠。遺恨流涎五千石，欲將皇國賣夷戎。

近聞

征夷府以往年忤命坐死吉田賴橋本

等墓以士禮改葬特旌其精忠為蓋華政之功  
為此以振士人之氣也因有此作  
人毅旌忠封舊墓聞來舞蹈自無知寄言天下英雄  
士奮力成功是此時

侍坐遣興

鉢巖高仞屏河深百尺山水共秀羨足以試舟履  
况是新晴久爽風吹素翰幸有村醪熟侍坐獻尊親

書立惺吟篇後

一日訪三條書肆出雲寺有人後我至軀幹強壯眉  
宇神秀知其非凡材因問姓名則松代藩士久保平  
甫也今春攘夷令行往戍橫濱又擢親兵來京師遂  
要我寓舍談話移時共恨相見晚平甫從佐久間象  
山學頗好詩示以手抄立惺吟篇與自作詩開讀不  
覺懦氣奮起不有一句不及時務也借而寫之三四  
日平甫來告曰守衛之役止將歸國然聚散無時安  
知今日之別非他日之逢酒間賦贈我曰  
願蓋談衷彼一時明朝忽是別離期望君他日鷹

揚日、須煽、皇風掃醜夷、

我亦賦以答、

世上紛紜何足論、男兒唯合樹奇勳、片言未及邦  
家事、昨日相逢今日分、

平甫妙齡志氣英邁、論事的切、如老成人、松代之為  
國、英雄用武之地、山川精氣之所鍾、產若爾人、蓋有  
由也、因以記付之卷尾、

文久三癸亥秋九月識於京師六條高倉寓舍

宮嶋維熊



